



Таштас

ШУ СОНГА ХАВАР

ТЕРГОВ ДАВОМ ЭТМОҚДА

Шу йил 7 февраль кунин соат 21.30 ларда Фарғона шаҳридаги «Фарғона» меҳмонхонаси ёнида икки мартаба ўқ узилди. Уларнинг бири огоҳлантирувчи ўқ бўлиб, иккинчиси ўғрига тегди.

Уша кунин участка инспектори хизмат жойинин кўздан кечирди-ю, катта участка нозиридан кечки овқат учун рухсат сўраб, уйига жўнади. Вақтни тежаш мақсадида такси ёллади. «Фарғона» меҳмонхонаси ёнидан ўтишаркан, кимнингдир улови гилдиракларини ечаётган йигитчаларга кўзи тушди.

— Ие, анавиларни қаранглар! Гилдиракларни шишияпти-ку. Тўхтатинг!

Ҳайдовчи ҳам, улов ичидаги йўловчи ҳам барабар ўша ёққа ўгирилишди.

Милиционер таксидан тўша солиб, йигитчалар ёнига югурди. Шоввозлар уни кўрганлари заҳоти қоча бошладилар.

Ходим юқорига огоҳлантирувчи ўқ узди. Улардан бири олиб қочаётган гилдирагини бир чеккага ташладида, қўйнидан пичоқ чиқариб, участка инспекторига қараб отилди. Милиционер ҳаёти учун жиддий хавф туғилди. У қуролни ишга солишга мажбур бўлди. Шахс инқиллаганча ерга йиқилди.

Ходим ўқ овозига юғриб келган меҳмонхона соқчисига йигитчани топширди-ю, ўзи «Тез ёрдам»га кўнғироқ қилгани чопди. ИИБни ҳам ҳодисадан огоҳ этди.

Воқеа жойига шаҳар прокуратураси вакиллари ва ИИБ раҳбарлари етиб келишди.

Яраланган шахс касалхонада жон берди. Марҳумнинг ёнидан чиққан нашага ўхшаш модда текшириш учун юборилди.

Воқеа жойига етиб келган марҳумнинг акаси милиция старшинаси А. Саккизбоевдан укасини отган милиционерни топиб беришини талаб қилиб, уни бўга бошлади. Шу ерда ҳозир бўлган ЖҚБ ходимлари А. Насриддинов ва Д. Қорабоевлар уларни ажратиб қўйишга уриндилар. Жанжалга қаердан пайдо бўлган Д. Қорабоевнинг укаси қўшилди. Оқибатда Д. Қорабоевга марҳумнинг акаси енгил тан жароҳати етказди.

Ғалва шу билан тугагани йўқ.

Дафн маросимидан сўнг марҳумнинг акаси ва ўртоқлари Д. Қорабоевни калтаклашгани маълум бўлди.

Ушбу воқеа шаҳар прокуратураси томонидан атофлича текширилмоқда.

М. КИМСАНБОВ.

Яқинда Бағдод тумани ички ишлар бўлимида ўзига хос учрашув ташкиллаштирилди. Йиғилган икки авлод вакиллари — туман ИИБ ходимлари ва Фарғона вилоятидаги бир гуруҳ милиция фахрийлари ўзаро дилдан сўзлашиб олишди.

Учрашувни очган бўлим бошлиғи милиция майори А. Саримсоқов меҳмонлар билан таништириб чиққач, сўзни истеъфодаги милиция полковниги, Фарғона вилояти милиция фахрийлари Кенгаши раисининг ўринбосари М. Бораҳимовга берди.

— Бу йил 65 ёшга кирдим, — деди Мадаммижон ака. — 40 йилдан зиёд халқимиз осойишталиги йўлида хизмат қилдим. Милиция оддий ходимлигидан тортиб, вилоят ички ишлар бошқармаси бошлиғи вазифасигача кўтарилдим. Биз босиб ўтган даврнинг ҳам енгил, ҳам оғир тарафлари бўлган. Енгиллиги шу эдики, одамлар қонун олдидаги жавобгарликни сезарди. Милициянинг халқ билан ҳамкорлиги яхши эди. Халқ бизга яқиндан ёрдам берарди. Қийинлиги эса битта — туманда милициянинг 10 ёки 15 нафар ходими бўларди, холос. Отда юриларди. Телефон ва транспорт йўқ эди. Шундай бўлсада,

содир этилган жиноятни очмагунча тиниб-тинчимас эдик.

Ҳозирги даврнинг енгил тарафи шуки, ходимлар етарли. Бўлим, бўлимлар сони кўпайган. Транспорт ва алоқа хизмати мавжуд. Қийин тарафи — қонун бўшашиб кетди. Бунинг енгил эса ўзимизга боғлиқ. Қаердаки, халқ билан ўзаро алоқа, ходимлар ҳамкорлиги мустақкам бўлса, ўша ерда иш юришаваради. Ҳар бир ходим ҳар бир маҳалла ва оиланинг шароитини яхши билмоғи зарур.

Милиция ходимининг ўзи қонунини яхши билса, ҳалолу пок бўлса, унга одамлар ишонади, эргашади. Агар у таъмагирлик йўлини тутса, обрўси тўкилади, сўзи ўтмайди. Ходим ўз иш фаолияти даврида келажагига болта уриб қўймаслиги лозим. Нафақага чиққан ходимлар ўртасида ана шундай одамлар ҳам борлигини унутмаслигимиз керак.

Хуллас, ҳаммага баҳо берадиган, тош

ХАЛҚ БИЛАН БИРГА БЎЛАЙЛИК

қўядиган халқ бор, — деди милиция фахрийси сўзининг охирида. — Оқибатини ўйлаб, қонунга амал қилган ҳолда иш юритилса, охири яхши бўлади.

Шундан сўнг сўзга чиққан милиция фахрийлари Э. Бекбулатов, А. Устаниятов, Э. Охунов, Ғ. Хонкелдиевлар милиция ходими қайси тармоқда ишлашдан қатъий назар қонун бузилишининг ҳар қандай кўринишига бефарқ қарамаслиги кераклигини таъкидладилар. Ўзаро ҳурматни сақлаш, халқнинг қувончу ташвишларига шерик бўлиш, милицияга мурожаат қилган кишиларнинг ишини охиригача етказиш каби хислатлар милиция ходимларининг халқ меҳрини, ишончини, ҳурматини қозонишига, осойишталигини сақлашига бевосита хизмат қилаётганини ўқтирдилар. Учрашув қатнашчиларда катта таассурот қолдирди.

О. ТОЖИЕВ.



Бугунги иқтисодий танглик баъзиларни шу қадар гангитдики, улар «адашиб» бировларнинг хонадонига кириб қолаёттирлар. Киришгани майлику-я, бироқ у ердан қимматбаҳо буюмларни кўтариб чиқиб кетишаётганига нима дейсиз!

Мана Тошкент шаҳар Киров тумани ИИБ ходимлари ҳам яқинда бир неча «адашган»лар



ни ушладилар.

СУРАТЛАРДА: Киров тумани ИИБ терговчисини милиция капитани Собир Йўлдошев ва тергов бўлими бошлиғи милиция майори Малик Аҳмедовлар қўлга олинган қимматбаҳо буюмларни кўздан кечиришяпти; ашбвий далиллар.

Суратчи Ҳ. ШОДИЕВ.

ТўРТ ШИШАГА ТўРТ ЮЗ СЎМ

Эргашбой Тошкентдаги шаҳри азимда иш тополмай Урта Чирчиқ туманига кетди. У ердаги Уртасаройи кишлоқ матлубот жамаиятига қарашли 27-дўконга сотувчи бўлиб жойлашди. Балки кишлоқ жойда милиция ходимлари нимани ҳам билишарди, деб ўйлагандир.

Туман ИИБ ИЖК ходимлари хушёр эдилар. Бу олғир сотувчи харидорга тўрт шиша «Жасорат» виносини сотиб, харидор ҳақиқага 6 сўм 78 тийин хиёнат қилаётганида қўлга тушди.

Туман халқ суди биносида А. Ҳамроев раислигида бўлиб ўтган суд мажлиси Э. Маҳкамовдан давлат ҳисобига 400 сўм ундиришни белгилади.

Ҳ. МАҲКАМОВ.

СЎЗ КЕТИДАН СЎЗ КЕЛУР

«АВВАЛО ТАРБИЯ ЗАРУР»

Шу йилнинг 25 январь куниндаги «Постда» рўзномасини ўқир эканман, Тошкент тумани ИИБ бошлиғи Ҳ. Олимхўжаевнинг мақоласига кўзим тушди.

Менимча, мақола сарлавҳаси ҳам бежиз тарбияга бориб тақалмаган. Афсуслар бўлсинки, ана шу тарбия масаласи бизда чатоқ.

Биз ёшлигимизда чиллак ўйнаган бўлсак, ҳозирги ёшлар сигарета чекиш билан овера.

Балоғат ёшига етмасданок жиноятга қўл урганлар учун қонунимиз ўта инсонпарвар. Менимча, аввало тарбияни ва қонунни кучайтириш лозим.

М. ҲАКИМОВ.

УМИДНИ СЎНДИРМАНГ, ОДАМЛАР!

«ИШОНАМАН, УМИДАМ ТИРИК»

«Қаерга бормай, ким билан учрашмай қизимни тирик, дейишади. Ҳатто жаҳонга машҳур Вангага ҳам мурожаат қилдим. «У тирик, Бойсун тарафлардан қидиргин», — деди. Мен ҳам тириклигига ишонаман».

— Менга ёрдам беринг. Етказинг менинг оху зоримни ўша ёқларга. Агарда Умидамни тирноққа зорликдан боқиб олган бўлишса, ёши ўзимдан улугга онам ёки опам, кичикка синглим қатори оёғига бош урай. Икки фарзандимни ҳам Умидамга қўшиб, бир умрлик қондош бўлайлик. Фақат айтинг, қаердасиз? Қаердан Сизларни излайин? Ягона ўтинчим Умидамни бағримга босиш, юзлари, соч-

ларига қўлимни теккизиб, беадад ардоқлаш. Кўзларига бир дам термулиб, шунча тортган укубатларимни унутай. Ахир, онаман, она...

Бу аёл гапиряпти-ю, кўзларимдан шашқатор ёшлар қуйилмоқда. Унинг фарёдига дош беролмайин, дунёи жаҳонга сиғмай кетаман. Ахир, бу нола-ларни жим туриб эшитиб бўларканми? Табиийки, унинг охи-дуди Бойсун тоғларига етиб бормаган. Йўқса, бу харсанглар эриб, сув бўлиб оқмасми? Агарда чиндан ҳам Умида бағрида бўлса, сабо билан мужда юбормасми? Наҳот пурвиқор тоғлар бир аёлни зор қақшатиб қўярди? Хаҳ, дунё-я!

(Давоми 3-бетда)

БИРОДАРКУШЛИК КЎЗЛАНГАН МАНЗИЛГА ЭЛТМАЙДИ

Яқинда Президентимиз Ислом Каримовнинг бир неча бор ойнаижаҳонда, ҳаво тўлқинларида ва рўзномалар саҳифаларида Талабалар шаҳарчасида оммавий тартиб-сизиликлар рўй бериб, икки йигит оламдан кўз юмуши туфайли бутун жумҳуриятимизда таълим олишаётган талабаларга, профессор ва ўқитувчиларга, не-не умидлар билан болаларини олиб таълим даргоҳларига жўнаштирган ота-оналарга қарата кўйиб-пишиб, оғир изтироб, жуда қаттиқ қайғуриш билан айтган сўзлари қар бир имонли, виждонли одамни қаттиқ ўйлантирмай қўймайди. Бу ҳодисалар кўпчилик қатори бизлардек ишда, ҳаётда ёки табиат ҳодисалари натижасида билмай қилинган хатолар азобини тартиб, изтироб чекаётган инсонларни ҳам қаттиқ ранжитди. Ахир, қаерда ва қай аҳволда бўлганимиз билан биз ҳам отамиз, ҳар биримиз бола дийдорига зоримиз. Бизнинг болаларимиз ҳам таълим даргоҳларида ўқишмоқда.

Катта тўполон, ур-йиқит, биродаркушлик билан оёқ остиимизни ўртоқларимиз қонига ранглаб, кўзлаган манзилга ета олмаймиз, бу билан нафақат томошабин сифатида кузатувчи қўшни жумҳуриятларга, балки қўшни мамлакатларга ҳам қаттиқ кулги бўлаемиз. «Мана, қаранг, мустақилликни ҳар ким эллоймайди», — дейишди. Етар энди бизга қарата отилган сонсиз ва саноксиз тошлар. Энди бошимизда собиқ иттифоқ йўқ, энди давлат ҳам, гуллаб-яшнаш ҳам, яхши ҳаёт ҳам ёки умуман шарманда бўлиб қолиш ҳам ўз қўлимизда. Ҳар хил иғво-ю сифсаталарга ишонинг — тескари томонга кетишимиз. Бу билан бир ой ичида борадиган йўлимизга бир йилда ҳам боролмаймиз ёки умуман

ман ўрта йўлда қолиб кетамиз.

Илтимос, укалар ва фарзандлар, ёшлик қилиб, иволарга учиб, вақтинчалик бўладиган кўнгулхушликлар учун қора ишларга қўлурманг, қора курсиларга ўтириб қолманг, қоронғу, зах ертўлалар сизга насиб этмасин. Мустиқил Ўзбекистонимиз осмонда, беғубор ҳаво кўйида оқ кабутарлардек парвоз қилинг.

Сизларнинг жойларингиз билан даргоҳларида, ечими топилмаётган тадқиқотларда, янги-янги қурилаётган корхоналарда, сизнинг ваазифангиз ташқарига, ўз халқига фойдаси тегиши учун чиқолмай ётган ер ости бойликларини, давосиз касалликларга дори-дармонлар топиш, ёш авлодга пухта билим беришда. Ортингиздан билимсиз икки-уч нафар йигитни олиб, тўполон қилишда эмас... Бир-биримизнинг қонимизни тўкишда эмас. Ҳеч ким бизга бир ой ётиб ўқимай, ишламай биродаркушлик қилганимиз билан озик-овқатларни сеҳрли кўзачалардан тўкиб ташламайди. Энг катта куч сизлар. Шундай қилсангиз, биз — қари ота-оналарингиз, ёш опа-сингилларингиз, муштипар онахонларингиз, ўзларининг бор куч-қувватларини сизга бағишлаган оқсоқолларимиз қаерга бораемиз?

Бугун сиз яхши ўқисангиз, илм олсангиз, эртага биз бировнинг қўлига ёлвориб қарамаймиз. Шундагина биз Ўзбекистонимизни тўполончилар, иғвогарлар, безбетлар ва биродаркушлар маконига эмас, дунёдаги энг юксак билим чўққиларини эгаллаган, маданиятли мамлакатга айлантиришимиз мумкин. Шундагина ота-боболаримиз руҳини шод этган бўлаемиз. Биродарларимизнинг беғуноҳ қони билан эса ҳеч қачон уларнинг руҳи шод бўлмайди.
Ф. ЖУРАҚУЛОВ.

ҲУРМАТ ҚИЛИШ КЕРАК

16 январь кунини Тошкентда бўлиб ўтган мудҳиш, ачинарли воқеалар умримда илк бор қўлимга қалам олишга даъват қилди. Касбим шифокор. Тошкент тиббий олий билимгоҳида ўқиганман. Ички ишлар вазирлигига қарашли маҳкумхоналарнинг бирида хизмат қиламан.

Ҳаммамизни чуқур қайғуга солган воқеа нима учун, кимлар томонидан уюштирилди? Кимларга керак эди у?

Ўзбек халқи юз йилдан зиёд кутган миллий озодликка эришди. Собиқ марказнинг «Ўзбекистон боқиманда. Берганидан олгани кўп», — деган аччиқ гапларидан, миннатларидан қутилди. (Ўз вақтида собиқ СССРнинг собиқ Президенти М. С. Горбачев шу сўзни Тошкентга келганда айтган эди.) Ва умумхалқ сайловида яқдиллик билан ўзининг Президентини сайлади. Бу кимларга ёқмаслиги мумкин? Бу фақат Ўзбекистон душман-

ларигагина маъқул келмайди (мен уларни бошқача аташ учун сўз тополмадим). Улар ҳозирги иқтисодий танглик чоғидан фойдаланиб, ўзларининг қора ниётларини амалга оширишмоқчи бўлдилар. Шу кунгача Ўзбекистонда демократия йўқ, деб оламга жар солиб келган бўлсалар, 16 январдаги эркин нархларга ўтиш уларга қўл келди.

Агар жаҳон тарихига назар ташлайдиган бўлсак, 1929-31 йилларда АҚШ ҳам худди биздагидек иқтисодий қийинчиликларни бошидан кечирган. Америка халқининг юксак интизоми, ўз қонунларини ҳурмат қилиши натижасида тезда бу давлат ўзини ўнглаб олди. Шубҳам йўқки, биз ҳам яқин ўртада ўз йўлимизни топиб олиб, юксалиб кетамиз. Фақат бунинг учун ороқ сабр-бардош, мавжуд қонунларга ҳурмат даркор.

Ендирбой СОБУРОВ.

АДОЛАТ ТАНТАНА ҚИЛАДИ

Тошкентдаги Талабалар шаҳарчасида бўлиб ўтган ғалаёнлар юрагимни ларзага келтирди. Лекин бу табиий эди. Ахир, бизнинг мустақиллигимизни, озодлигимизни кўролмайдиган кимсаларнинг тинч туриши мумкин эмас эди-да. Лекин

ишончим комилки, ғаламислар топилиб, албатта, адолатли ҳукм ўқилади. Чунки қинғир ишнинг қийини қирқ йилдан сўнг бўлса ҳам чиқади, деган халқ ҳикмати бежиз айтилмаган.

Н. МАМАЖОНОВ,
милиция майори.

Шу йилнинг 16 январь кунини «Мингчино» постида «КамАЗ-4310» белгили 64-79 ДБВ рақамли машина текшириш учун тўхтатилди. Ҳайдовчининг исми шарифи Сангиқмурод Абдуллаев ва унинг ҳамроҳи эса Акбар Назаров экан. Тожикистон Жумҳурияти Борзоқ туманидан 8 тонна пиёзни ҳеч қанақа ҳужжатсиз Санкт-Петербург шаҳрига олиб кетаётган бу «ишбилармон»лар дабдурустдан қаттиқ кўрқиб кетишди.

Қашқадарё вилояти ички ишлар бошқармаси иқтисодий жиноятчилик билан кураш бўлими оператив вакили милиция подполковниги Тошпўлат Музаффаров, вилоят ИИБ ДАН инспектори милиция сержанти Жума Ҳазратов, Китоб тумани ИИБ ДАН ходими милиция сержанти Тожи Пиримовлар бундан ажабланишди ҳамда машинадаги маҳсулотни обдон текшириб кўришга қарор қилишди. Бу қарор йўловчиларнинг баттар капалагини учириб юборди.

— Ҳаммамизда ҳам болачака бор, — деди ҳайдовчи чиқмаган жондан умид қабилда иш тутиб. — Илтимос, бу сафарча айбимиздан ўтиб, қўйвора қолинглар. 5 минг сўм берамиз.

МИЛТИҚЛИ ПИЁЗФУРУШЛАР

— Пиёз кимники? — деб сўради Тошпўлат Музаффаров бу таклифни қатъиян рад этгач.

— Икки кишиники. Эгалери поездда Санкт-Петербургда жўнаб кетишган.

— Олиб бориб берганларнинг эвазига сизларга қанча беришади?

— Ун минг сўм.

— Икки кишига-я?

— Ҳа...

— Атиги ўн минг сўм бўлса-ю, шунинг ярмини бизга бермоқчимисизлар?

— Илож қанча...

Эҳтимол шу дақиқада ҳар уч нафар тинчлик посбонлари ҳаёлидан бу таклифнинг замирида бир нарса бор, деган фикр ўтгандир. Ҳар ҳолда юкни синчковлик билан текшира бошлашди. Ниҳоят, сир очилди. Пиёз орасига қирқма ўқотар курол, ўн дона ўқ, ўн шиша «Помир» виноси, 2 шиша ароқ, икки шиша шампань ичимлиги, нашо, 4 минг 555 сўм пул яшириб қўйилган экан.

Юк машинаси эгалари билан бирга Китоб тумани ИИБга олиб борилди. Улар ишини миридан-сиригача ўрганиш терговчи милиция катта лейтенанти Уктам Худойбердиевга юклатилди.

— Йўлга чиққанларингиздан то қўлга тушгунча ҳеч ким тўхтатиб кўрмадимиз? — сўради Уктам Худойбердиев.
— 13 та постдан ўтдик, ҳеч ким индамади.

— Ҳа, кўза кунда эмас, кунда синади, — деди терговчи ва ўйланиб қолди.

Ҳойнаҳой, у шу пайтда 13 та постда «хушёрлик» билан турган назоратчилар бефарқлигига «тасанно» ўқирди.

Уктам Худойбердиев айни кунларда тергов ишларини ҳафсала билан давом эттиряпти. Милиция ходимлари Т. Музаффаров, Ж. Ҳазратов, Т. Пиримовларга эса ички ишлар бошқармаси бошлигининг ташакурномаси эълон қилинди.

Ҳазрат БАҲРИЕВ,
Китоб тумани ИИБ бошлигининг ўринбосари милиция подполковниги.

ИЗЛАР БОСИЛМАДИ

Ургут тумани ИИБда навбатчилик қилаётган милиция ходимларини тонг саҳардаги телефоннинг уст-ма-уст жиринглаши серганлантирди.

Навбатчи милиция катта лейтенанти Н. Эргашев гўшакни кўтарди.

— Эшитаман.
— Мен «Ильич» колхозини раиси Рўзбой Отабоевман. Фермадан олти бош молни ўғирлаб кетишибди, — энтикиб-энтикиб гапирди раис.

— Ходимларимиз ҳозир етиб боришади, — гапни қисқа қилди навбатчи ва бу ҳақда оператив гуруҳ бошлиғи милиция майори Хушвақт Шомуродовга хабар қилди.

Гуруҳ воқеа жойига етиб бориб, содир этилган жиноят ўрганила бошланди. Қор ёғаётган эди. Тезлик билан ҳаракат қилиш лозим эди. Сусткашлик қилинадиган бўлса, излар йўқолиши аниқ.

Гуруҳ ходимлари ишга киришди. Кўп ўтмай Ургут шаҳридаги Аиний кўчасида ўғирларга дуч келинди. Лекин улар ҳам осонликча жон берадиганлар хилидан эмас экан. Қўлидаги पिчоклари билан ўдагайлай бошлашди. Бу ишлари натижа бермагач, ҳар томонга қараб қочишга тушдилар. Биттасини участка вакиллари Б. Азимов ва Э. Бердиевлар икки километр қувиб бориб, Камангарон қишлоғига кириваришдаги шудгорланган даштда туттишди. Орадан икки соат ўтиб, унинг қолган шериклари ҳам қўлга олинди.

З. ЖУМАОЕВ.



ПУЛТОПАР МАКТУБЛАР

Хўп ғаройиб дамларни бошдан кечириямиз-да. «Пулдорнинг пули ишлайди, пули йўқнинг ўзи ишлайди», — деган замонларга ҳам етиб келдик. Ҳозир шундай устамонлар борки, ҳавони сотиб пулласам, дейди. Лекин Исмонил ва Уриной деган шунқорлар бойишнинг ўзгача «маданий» йўлини топишди. Аввал Олмалик шаҳрида яшовчи Наби Мирзаев номига, сўнгра Бўка туманидаги Омон Амиров номига мактуб ёзишди. Йўқ, студентларнинг «ота салом, пул тамом» қабилидаги соддагина мактубларидан эмасди уларнинг бу номалари. Дуқ-пулис, таҳдид ёғиларди бу азаматларнинг ҳар сатр ёзувидан.

«Наби! Гап бундай, оғайни, сен ҳам магазиннинг бир чеккасини майда чайнаб ётибсан. Бўкиб қолмадингми? Қани, энди бизни ҳам бир хурсанд қилиб кўрчи; 20 минг сўм пул керак...»

«Амиров! Қандайсан? Ғажиб тўймадингми? Бизнинг улуш қани? Ҳозирча 30 минг етарли. Агар бош тортсанг, орғунга хабар қилсанг, бошинг кетади...»

Бундай «илиқ» сўзлар билан битилган хатни олган Наби аканинг ҳам, Омон

аканинг ҳам кечинмалари барчага аён. Улар Бўка тумани ички ишлар бўлимига хабар қилишди. Товондорларнинг ҳатти-ҳаракатидан талабгорлар хабар топишган экан, кўп ўтмай Мирзаев яна хат олди.
«Наби! Сен бизни тушунмабсан. Қизил шапкаларга югуриб бордингми, олқинди?! Ана энди ўзингдан кўр. Бояги тайинланган жойга 40 минг опкеласан...»

Наби аканинг кўз олди қоронғулашди:
«Мунча пулни қайдан топаман? Наҳотки, милициядан нажот йўқ?!»

Бироқ, у кўзини чирт юмиб, яна бўлган воқеани ички ишлар ходимларига оқизмай-томизмай етказди. Оператив гуруҳ зудлик билан ишга киришди.

Ниҳоят, «маданий» талончилар — йигирма тўрт ёшли Исмонил Матинёзов ва Уриной Мирзаарҳимовлар силлиққина қўлга олинди. Тергов ишлари тугагач эса, ишлари судга оширилди. Аммо пихини ёрганлар ҳамон отдан тушса ҳам, эгардан тушмагандилар. Яна мактуб ёздилар. Аммо бу сафар вилоят прокурорига, йўқ-е, пул талаб қилибмас, шунчаки ноҳақ жазолашайтганидан шикоят қилиб. Бироқ етарли далиллар ким ҳақу ким ноҳақ эканлигини кўрсатиб турарди.

Оқ БУРИ.

ТАКЛИФИМ БОР

ОҒИР ЖАЗО ЗАРУР

Ўзбекистонимиз ўз эркинлигини қўлга киритди. Албатта, энди мустақил мамлакатнинг ўз ҳуқуқ-тартиботи, энг асосийси ўзлиги бўлмоғи лозим. Бу борада биринчи навбатда ички ишлар идоралари ходимларининг иш шароитини яхшилаш, уларни ҳозирги кун талаби асосида техник асбоб-анжомлар билан таъминлаш амалга оширилиши керак деб ҳисоблайман. Шунинг жиноятчиликка қарши курашда кўзланган натижаларга эришиш мушкул.

Яна шунинг оқиш айтиш керакки, қонунбузарларга нисбатан қўлланиладиган жазо чоралари ўта енгил. Тўғри, бизда адолат, инсонга ғамхўрлик, андиша деган гаплар бор. Лекин жиноятчи, қайси миллатга мансуб бўлишидан қатъий назар, оғир ва адолатли жазо олиши керак. Биз шунинг яхши билишимиз лозимки, миллат обрў-эътиборига унинг сонига эмас, балки, одоб-ахлоқли, имон-эътиқодли, билимли вакилларига қараб баҳо берилади. Шундай экан, миллатнинг номуносиб кишиларига нисбатан шундай қаттиқ чораларни ўйлаб топайликки, қолганларга ҳам бу сабоқ бўлсин. Токи, иккинчи бор жиноят қилишга имкони бўлмасин.

Собир ЖУРАЕВ,
ишчи.

БЕЗОРИЛАР

Дилмурод билан Илос рога тўйиб «обизамзам»дан ичишгач, кўчага чиқишди. Савдо расталари бўйлаб юришаркан, бир муддат тижорат дўкони олдида туриб қолишди. Ичкаридаги рангбаранг молларга суқланиб термулдилар.

Кайфиятлари бирданга бузилиб, ўз хаёллари ташвишида ўтиб бораётган М. Эркабоевнинг йўлини тўсдилар. Қўлидаги узугини яхшиликча ечиб беришини сўрашди. Мастларнинг дўқини писанд қилмаган йўловчини йиқитиб, тепкилай бошлашди.

Икки муштумзўр етиб келган милиционернинг гапини ҳам эшитмасдан унга ташландилар. Осойишталик посбонининг ҳақоратларга кўмишгани етмагандай, кийимини ҳам расво қилишди.

Октябрь тумани халқ суди безориларнинг хатти-ҳаракатларини муносиб баҳолади.

М. МАҲМУДОВ.

ҚИСКА САТРАРЛАР

ГУМОНДОРЛАР УШЛАНДИ

Санчикул қишлоғи Ургут туманининг энг қайноқ нуқталаридан бири бўлиб қолмоқда. Яқинда бўлган қотилликнинг ҳали изи совиб улгурмасдан мол ўғирликлари содир этилди. Кўрилган чоралар натижасида ИИБ ходимлари бир неча гумондор шахсларни қўлга туширдилар.

ЎҒИРЛИК

Шу қишлоқда яшовчи А. Ганиевнинг «ИЖ-Планета» белгили мотоциклнинг номаълум шахслар мийиб кетиши. Қидирув ишлари олиб борилмоқда.

ЭСКИЧА ТАРБИЯ

Бешкал қишлоғилик муаллим ўз ўқувчисини «эски мактаб» усулида тарбиялашга қарор қилди. «Тарбияланган» бола суд-тубий кўригига жўнатилди.

ИСРОФИЛ.

УМИДНИ СЎНДИРМАНГ, ОДАМЛАР!

(Давоми. Боши 1-бетда)

Содиқ Исломов 1976 йилда ўқув юртини тугатиб, ички ишлар идораларида хизматни бошлади. Тез орада бир сўзлиги, тиришқоқлиги билан касбининг устаси сифатида танилди. Қайси лавозимга қўйилмасин, сид қидилдан, тўғри, ҳалол меҳнат қилди.

Уша вақтлар ҳар соҳада бебошлиқлар, тартибсизликлар кучайиб, унга қарши кураш бошланган эди. Табиатан қатъиятли, ҳар қандай унсурларга муросасиз бўлган Содиқ бундан руҳланди. Ушанда Қашқадарё вилояти ИИБ тергов ҳибсхонасига янги келган пайтлари. Аввало у бу ерда ҳукм сураётган, одатий ҳолга айланган турли қонунбузилишларига чек қўйишга киришди. Негаки, истаган одам маҳбус билан бемалол мулоқотда бўлар, гиёҳвандлик олди-бердилари, пора олишлар, ахлоқий бузуқчиликлар авжга чиққан. Ҳеч ким буларни назорат қилмас, гўёки шундай бўлиши керакдай эди.

Янги раҳбарнинг янгича услуби ҳеч кимга, айниқса, тубанлашиб улгурган жиноятчиларга сира ёқмади. Бироқ Содиқ бутун куч-гайратини ҳибсхонани қонуний тартибга келтириш ишига сарфлади. Қўпчилик қинғирликлар, сунистеъмолчиликлар, қонунбузарликлар фош этилди. 20 дан ортиқ ходим ишдан четлатилди. Бу даргоҳ кўплаб ходимлар учун ўша вақтлар даромад манбаига айлангани сир эмас. Албатта, ёғли луқмани қўлдан бой бермаслик учун улар ҳам астойдил ҳаракат қилишарди. Аввал унга дўқ-пўписа қилиб кўришди. Натижа бўлмади. Содиқ ҳақ эди, шу боис қўрқмади. Сўнгра миллион-миллион сўм тикишди. Лекин Содиқ уларнинг ҳаром йўллари билан топилган миллионларидан ҳазар қилди. У билмасмиди? Биларди жиноятчилар олами ичида ҳам ўз қонунлари борлигини. Ва бу қонунларда номардликка асло йўл қўйилмаслигини. Номардликнинг ҳам чегараси борлигини. Аммо...

Ҳибсхонада Салима исмли (қарғишлар бўлсин унга) аёл ишларди. Пулэвзига ҳам қўшмачилик қиларди, ҳам қорадори билан таъминларди. Турмуш ўртоғининг унинг барча кирдикорларини фош этиб, иши судда кўриладиган бўлди. Ушанда у айтган экан: «Агарда уни ўлдирсак, осонгина ҳаммасидан қутулади, қўяди. Мен шундай қилайки, бир умрга мени эслаб, қон йиглаб ўтадиган бўлсин», — деб.

Худди суд бўладиган кунни қизимиз Умидани ўғирлаб кетишди.

Ҳа, қизалоқни шундоққина уйининг ёнидаги йўлдан ўғирлаб кетишди. Беш яшар қизалоқ «ойи-ойи»лаб бўзлаганча номаълум кимсалар қўршовида, номаълум тарафга кетди. Бу воқеа 1987 йилнинг 13 январда куппа-кундузи рўй берди.

Умидам жуда бошқача эди. Бирам меҳрибон эдики. Ҳар ўн минутда «ойи-ойи»лаб юзларимдан ўпгани ўпган эди. У...

Она гапиролмайди. Турмуш ўртоғи қўшни аёлни чақиради. Ҳамсоиси унга укол қилиб, тинчлантирувчи дори беради.

Мен ноқулай аҳволга тушаман. Эҳтимол керакмасдир уни бунчалар қийнаш, деган ўй кечади. У эса бу-

ни сезгандай ёш тўла кўзлари билан менга юзланади.

— Ҳозир, ҳозир мен ўзимни босиб оламан. Илтимос сиздан, ёзинг. Эшитинг мени. Мен сизларни беш йилдан бери интиқ кутаман. Ҳозир... Ҳозир...

Уни юпатишга сўз тополмайман. Қани иложим бўлсаю ўша Бойсун деган жойларни элақдан ўтказсам. Аммо...

— Ҳар кунни мана шу кийимларни, — дея бир жомадонни очиб кўрсатади Содиқ ака, — ёйиб қўяди, соатлаб тепасида йиглаб ўтиради. Ҳаммаси Умиданинг

Тасаввур қилинг бу беш йиллик айрилиқдаги ота-она-ю, қизининг аҳволини.

— Беш йилдан бери кўларим кўкда. Худодан Умиданинг тириклигини, қайтаришини сўрайман. Наҳот худо ҳам илтижоларимни тингламас... Ахир, бу нарсанинг чеки бўлиши керак-ку. Яратган эгам бир муштипар онани зор қақшатиб қўймас...

Умидам тирик, юрагим билан сезаман у тирик. Қарга бормай, ким билан учрашмай қизинг тирик, дейди. Ҳатто жаҳонга машҳур Вангага ҳам мурожаат қилдим. «У тирик, Бойсун

кимсанинг оғзига тикилади. Мана ҳозир у: «Тушларингда оромингни ўғирлаётган, йўлларингни оҳлари ўраётган Умиданинг топдим», — дейдию, у тундай тўкилиб, пойига бош уради.

— Мен тушунаман, эҳтимол жиноятчи бўлиш пешонасига битилгандир одамнинг. Аммо катта одамларнинг муросаю мадораларига боланинг, ожизгина мурғак гўдакнинг нима дахли бор. Нега қанча қасдинлар, гараз хусуматинлар бўлса, мен билан, отаси билан ҳисоб-китоб қилмадинглар? Нега бола ўч олишининг қуроли бўлиши керак. Ахир, бу

«ИШОНАМАН, УМИДАМ ТИРИК»

кийимлари. Менимча, бундан ортиқ дард бўлмаса керак дунёда...

Содиқ ака аёлининг шарпасини сезиб, шошилиб жомадонни шкафга яширади.

— Биз телевидение ва матбуотга қидирув ҳақида эълон бердик. Маҳаллий рўзномага ҳам берганимиздан бир ҳафталар ўтар-ўтмас ҳар кунни бир қизалоқ телефон қиладиган бўлди. Биланман Умида эмас, аммо Умиданинг аҳволига тушган қизча бўлса керак ёки товламачилик қияпти, деб ўйладим. Сабаби: «У мени бир амаки қўйиб юбормаяпти. Мен яхшиман», — дейдию, «Амакинга нима керак экан, сўрагинчи», — десам индамайди. Ишонасизми бир ой давомида бу ҳол такрорланиб турди. Кейин тинчиб қолди. Ушанда игна устида юргандай юрдим. Телба бўлиб қолишимга оз қолди...

Қўшни аёл уни олиб чиқиб, яна укол қилиб, дори беради. Энди унинг дардлари эшитмаслик, ҳали юраги тош қотмаган одамларга етказмаслик гуноҳдай туюлади.

— Ҳар кунни бу кун қандай ҳабар келтираркин, деган умидда уйғонамиз. Гоҳо дунёга сизмай кетаман. Ўзимни лаънатлайман. Эҳтимол мен ўшанда қўрқоқлик қилишим керакмиди, чекиншим керакмиди, дея ўйлаб қоламан. Шунча азоблар бормиди, йўқмиди? Мени деб рафиқам ҳам, у ёнда Умидам ҳам доғи ҳасратда ўтадиган бўлишди.

— Бир кунни кимдир сим қокди. «Умиданингизни Тошкент шаҳридаги бекатда кўрдик. Уни бир тўда одамлар масҳаралашиб, тақдирлашайтган эди. Уша ёққа боринг», — деди. Ўзимга келсам, тепамда мана шу қўшним турибди. Намунча одамлар бунчалар бағритош бўлишмаса-я. Нега ўлганининг устига чиқиб, тепишни ёқтиришмаса... Шундоқ ҳам куйган юракка озор бериб ҳузурланишмаса-я...

Онанинг овозлари қалтираб, бутун вужуди билан титрай бошлади. Унинг аҳволидан юрагимга яна ваҳима тушади.

Гўёки ҳозир бу афгонлар вулқон бўлиб отилиб чиқади-ю, ҳаммаёқни ёндириб, куйдириб кул қиладигандек туюлади.

— Узр... ҳозир... ўзимни босиб оламан. Фақат эшитинг.

Копки буларни жим туриб эшитишнинг иложи бўлса. Ҳозир Умида 10 ёшда.



тарафлардан қидиргин», — деди. Мен ҳам тириклигига ишонаман. Охири умидим ўша Бойсун тарафлардан. Етказинг менинг ўтинчларимни, илтижоларимни... Ноумид—шайтон, дейдилар. Зора дарағи чиқиб қолса.

— Дастлабки вақтлари суриштирув ишларини ўзим олиб боргандим. Тергов ҳаракатлари ҳам яхши кечаётганди. Аммо уч ойлар чамаси вақт ўтгач, гўёки ҳаммаси келишиб олиқгандай йўқ бўлди-қолди.

Шу пайтгача мурожаат қилмаган жойим қолмади. Ҳатто шу тузумни яратиб кетган Ленинга ҳам хат йўладим. Марказдан ходимлар келишди. Текширишди. Бироқ бирон арзигулик натижа бўлмади. Энди ёлғиз умидим худодан, — дейди Содиқ Исломов.

Тушунаман эркак киши, ҳисларини, ичидан нелар ўтаётганини сездирилмасликка интилади. Фақат унинг кўзларидаги мунг, тубсиз ҳасратгина ялт этиб кўриши беради, холос. Ғам юки қадини буюиб, руҳини майиштирган, аммо иродасини синдирилмаган. Аммо у ҳам бу сўнғисиз, тубсиз жафонинг чегарасига умид қиладди. Ахир, чеки бўлиши керак-ку ростдан ҳам. Тиқ этган товушга вужудини беради. Енига яқинлашган ҳар

эркакнинг, марднинг, одамнинг иши эмас-ку... Менимча, бу энг тубанлик. Ёзинг, эшитишинг мени жиноят оламидаги мардлар. Болани ўч олиш қуроли қилганларни худонинг қарғиши урсин. Табиатнинг суви, ҳавоси ҳаром бўлсин, оёгини ер куйдирсин...

Содиқ Исломов жумҳурият ички ишларида ишлаб туриб, қонуний талаблари учун жиноятчилар томонидан ана шундай мараз усулда ўч олинган ягона ходимдир. Афсусланарлиси шундаки, забардаст вазирликнинг ҳеч нарса қила олмагани. Яна ҳам ачинарлиси шундаки, ходимларнинг ҳозирги кун талабларидан келиб чиқиб, ижтимоий, ҳуқуқий муҳофазаланмаганлиги.

Эртага мафиячиларга қарши курашга отилган яна бир ходимимиздан шундай ўч олиниши мумкин эмас, деб ким кафолат бера олади?! Яқин кунларгача бундай воқеаларни чет эл фильмларидагина кўрардик. Қолбуки бу ҳол ўзимизда ҳам юз берган экан (биринчиси ва охиригиси бўлсин) зудлик билан унинг қўлларини қирқиб зарур. Америкада полициячига ёки унинг хонадони аъзоларига бирон кимса тазйиқ ўтказса-ю, қочиб кетса, дарҳол бутун бир ҳудуд ўраб олиниб, ҳар қарич ер бирма-бир элақдан ўтказиларкан. Жиноятчи топилмагунча бу ҳол давом этаркан.

— Мен рўзномангиз орқали агар мумкин бўлса, барча юртдошларимга мурожаат қилмоқчиман. Аввало мени Она сифатида тушунишларини истардим. Азиялар, сизлардан илтимос қиламан, Умидани кўрган бўлсангизлар, унинг қаердалигини билдирсангизлар, умрим охиригача Сизларни дуо қилардим. Умиданинг пастки лабининг ўртасида чандиги, ўнг кўзининг қош оралиғида холи, чап кўзининг қулоқ томон қисмида қизамиқдан қолган чандиги бор.

Мен Умида доғида куюётган Гулнора ва Содиқ

Исломовлар билан хайрлашарканман, дунёда яхши одамлар кўплигини, ҳали бу хонадонда Умиданинг тўйи бўлишига ишонч билдирдим.

Улар шундай бўлишига ишонадилар.

Азизлар, Умида қаерда, жавоб беринглар?

Муҳаббат ИБРОҲИМОВА.

Ушбу сурат 1986 йилнинг августида, Умида тўрт ёшлиғида олинган.

НИМАСИНИ АЙТАЙ...

АРС-САДО

Уй-жой масаласи деярли доимо матбуотда ёритиб борилади. 1991 йил 3 декабрда босилган «Шул эрур айбим Муқимий» мақоласи ҳам шундай долзарб мавзуга қаратилган. Ушбу мақолада кўтарилган масала менга ҳам таниш. «Қаёқдан?», — дерсиз. Ҳозир тушунтириб бераман.

80-йилларда «Просвешенец» деган уй-жой қуриш кооперативи бўларди. Бу ширкат «Шастри» автобекети ёнгинасида жойлашганди (иши тушганлар билса керак, ҳойнаҳой). Унинг Маркзицер деган (ўзбеклар у вақтда туғилмаганми?) бош инженери бор эди. Мен ҳам — Ватанда беватан кимса — уй олиш учун рўйхатга қўйишларини сўраб, ўшанинг олдига бордим. «Ҳозир уй-жой қурмаямиз», — деб кўп нарсаларни баҳона қилди. Бу гапларнинг бўлмағурлиги ҳақида эшитиб, иккинчи марта яна бордим. Рўйхатга қўйишни қаттиқ талаб қилдим ўша Маркзицердан. Уришдим ҳам фойдаси бўлмади. У ҳужжатларимга қиё боқмади ҳатто. Яна бордим, яна беҳуда. Охириги борганимда (нечанчиси эди эсимда йўқ) аввалги гурурни бир ёққа йиғиштириб, ялина бошладим.

Бир яхшилик қилинг, яхшиликнингизни ўла-ўлгунча унутмайман. Мен ҳам қарз бўлиб қолмайман. Албатта; бу яхшиликнингизни икки-уч, балким тўрт баробар қилиб қайтараман, — деб уни ишонтирдим.

Маркзицер кўзларимдан чикай-чикай деб турган ёшларимга раҳм-шафқат қилдим, ҳар тугул ҳужжатларимни олди.

Мени навбатга қўйишни айтиб, тез-тез хабар олиб туришимни тайинлади.

Орадан саккиз ой ўтгач, 4, 5-қаватни таклиф қилди. Мен рози бўлмадим. Яна ялинишни кучайтирдим.

— Яна битта уй қурилаяпти. Беш хонали уйларга одам оз, — деб 3-қаватни таклиф қилди.

— Одам оз бўлса, 2-қаватдан бера қолинг.

У рози бўлди. Уйга ҳамма қатори кўчиб кириб, индамай яшай бошладим.

Бир куни чақириб: «Пропискандан ўтинлар», — дедю, қўлимга ордер тутқазаркан, ордерни қайтариб бериш кераклигини ўқтирди.

Мен: «Хўп», — дедиму 2-3 нусхада нотариус орқали таклифни олдим. Сўнгра қайта «эгаси»га элтиб бердим. У кейин бераман, деб сейфига солиб қўйди.

Орадан ярим йилча вақт ўтиб, Маркзицер мени чақирди.

— Мана, бу ордерни олиб қўй. Бизни қисқартиришаяпти. Мени шу пайтгача ҳеч ким сенчалик лақиллатмаган ва алдамаганиди. Агарда билганимда, шу идоранинг остонасига ҳам йўлатмас эдим.

Ушанда хаёлимдан мен каби югуриб-чошиб, уй оламан, деб сарсон-саргардон юрган юртдошларимнинг ҳасратлари ўтди. Уз Ватанимизда бошланасиз юриб, ўзга юртдан келган дайди, фоҳишаларнинг дарров илдиз отиб, Ватанли бўлаётгани алам қиларкан.

Мана асрлар бўйи халқ орзу қилган мустақиллик ҳам қўлга киритилди. Зора бошқариш жилавини Маркзицер сингари ўз ҳаменингина ўйлайдиган, юртдошларимизнинг бор-йўғини шилиб оладиган «меҳмон»ларга бериб қўймасак.

Шу ўринда уй-жой масаласида кам аҳамиятли бўлмаган яна бир муаммага тўхталмоқчиман.

«Правда Востока» рўзномасида У. А. Кривцовнинг (22.11.91 й.) «Холод — то тетка» мақоласини ўқиб қолдим. Унинг мазмуни уйлар қишда яхши иситилмасда, ЖЭКларнинг коммунал хизматлар учун 100% пул олишидадир. Дарҳақиқат нега энди халқ емаган сомсага пул тўлаши керак? Нега биз одамлардек яшай олмаيمиз? Муздек уйда электр иситгичлар қўйиб, хонани амаллаб иситсакда, яна ҳам у ёққа, ҳам электр учун тўласак. Менимча, ўша ЖЭК-дагиларни ўз вазифаларини бажармаётганлиги учун судга бериш керак.

Бизнинг оиламиз аъзоларидан 3 киши имтиёزلардан фойдаланиш ҳуқуқига эга. Улуғ Ватан уруши қатнашчиси, байналмилалчи-жангчи ва муаллим. Бироқ бизга 50 фоиз имтиёздан фойдаланиш имкони берилган. Бу инсон ҳуқуқларининг поймол қилинишига ёрқин мисол эмасми? Энг ачинарлиси, яхшигина қонун чиқариб, орақсидан уни инкор этувчи яна бири кашф этилади. Буни қандоқ тушуниш мумкин?

Эҳ, гапирсам, гаплар кўп. Мен гарчи бу борада бирон нарса ўзгартиришга ишонмасамда, дилимдагиларни тўкиб солганимдан хурсандман.

Ҳурматли муҳаррират ходимлари! Ушбу фикр-мулоҳазаларимни рўзномангиз орқали чоп этишингизни, бироқ маълум сабабларга қўра исм-шарифини кўрсатмаслигингизни сўрардим.

А. И.

Ойнаи жаҳонда

ПАЙШАНБА, 13. II.

УзТВ I

8.00 «Ўзбекистон» ахбороти. 8.20 Кинопрограмма. 9.00 Бадий фильм. 10.25 «Ёшлик».

17.55 Кўрсатувлар тартиби. 18.00 «Ўзбекистон» ахбороти. 18.10 Мультфильмлар. 18.35 «Фикрлар тўқнашганда». 18.55 Тижорат хабарлари. 19.00 «Ўзбекистон» ахбороти. 19.15 «Алифбо сабоқлари». 20.00 «Ўзбекистон» ахбороти. 20.10 «Жума оқшоми». 20.40 Дутор ва танбур тароналари. 21.00 «Ўзбекистон» ахбороти. 21.20 «Оталар сўзи — ақлинг кўзи». 22.20 Бадий фильм. 23.40 Эртанги кўрсатувлар тартиби.

УзТВ II

Укув кўрсатувлари 10.30 Узбек адабиёти. 11.00 Телефильм. 11.30 Уқитувчилар иш тажрибасидан. «ТОШКЕНТ» СТУДИЯСИ КўРСАТАДИ 18.30 Телефильм. 19.00 «Бу оқшомда». 20.30 «Пульс». 20.40 «Бу оқшомда» кўрсатувининг давоми. 21.40 Биржа янгиликлари. 21.55 «Пульс». 22.05 «Кинонигоҳ».

«ОРБИТА IV»

[Москва]

6.00 «Тонг». 8.35 Мультфильм. 8.55 XVI қишки олимпиада ўйинлари. 10.15 Телевизион бадий фильм. 11.05 Болалар музика клуби. 12.00 Янгиликлар. 12.20 «Телемикст». 13.05 «Бугун ва ўша пайтларда». 13.35 Телевизион бадий фильм. 2-серия — «Егоровлар». 15.00 Янгиликлар. 15.20 «Инсон ва қонун». 16.00 XVI қишки олимпиада ўйинлари. 17.40 С. Франк. Орган ижроси учун 3-хорал. 18.00 Янгиликлар. 18.20 Халқаро телемарафон. 18.30 «Монте-Карлода жаҳон музикаий соврини». 20.45 Хайрли тун, кичкинтойлар! 21.00 Янгиликлар. 21.20 Бадий фильм.

XVI қишки олимпиада ўйинлари 22.40 Чанги спорти. 5 км. (Хотин-қизлар). 23.35 Конькида югуриш спорти 5000 м. (Эркаклар). 00.10 Хоккей.

«ДУБЛЬ IV»

[Москва]

8.00 Хабарлар. 8.20 Олимпиада кундалиги. 8.50 Испан тили. 9.20 Қишки олимпиада ўйинлари. 10.45 Испан тили. 11.15 Тоғ чангиси. Тез тушиш. 12.15 Болалар соати (инглиз тили дарси билан). 13.15 «Хонаки клуб». 13.30 «Қўли гул хонимлар». 13.55 Деҳқонлар қўргони. 14.20 «Ҳа, президент. Йўқ, президент». 15.15 «Очиқ шаҳар». 16.00 «Чумаки» фольклор ансамбли. 16.25 «Бешинчи гилдирак». 17.25 Телевизион ахборот тижорат кўрсатуви. 17.35 «Россия билан юзмаюз». 18.00 Хабарлар. 18.20 Махсус тижорат хабарномаси. 18.30 Россия Федерацияси Олий Кенгашининг сессиясида. 19.00 Россия ҳомийлари. 20.00 Қишки олимпиада ўйинлари. 20.55 «Ҳар куни байрам». 21.10 Қишки олимпиада ўйинлари. 22.00 Хабарлар. 22.25 Олимпиада кундалиги.

ЖУМА, 14. II

УзТВ I

8.00 «Ўзбекистон» ахбороти. 8.20 Телефильм. 9.00

Бадий фильм. 10.25 «Ёшлик».

17.55 Кўрсатувлар тартиби. 18.00 «Ўзбекистон» ахбороти. 18.10 Мультфильм. 18.30 «Фан ва деҳқончилик». 19.00 «Ўзбекистон» ахбороти. 19.15 Ўзбекистон Республикаси ички ишлар вазирлиги матбуот маркази хабар қилди. 19.30 «Қадрият». 20.00 «Ўзбекистон» ахбороти. 20.10 «Ўзбекистон жаҳонга юз тутмоқда». 20.45 Биржа янгиликлари. 21.00 «Ўзбекистон» ахбороти. 21.20 «Мерос». Заҳириддин Муҳаммад Бобур. 22.20 Кинокомедия. 23.25 Эртанги кўрсатувлар тартиби.

УзТВ II

10.30 Ботаника. 11.00 Кинопрограмма.

ДУШАНБЕ КўРСАТАДИ

18.05 «Русча сўзлашамиз». 18.30 «Оҳанги зиндаги». 19.30 «Новости». 19.40 «Шиносой». Шоир Адим. 20.30 «Ахбор». 20.50 «Ситораҳои Шарқ». Аҳдия. 22.00 «Давлати ҳуқуқ бунёд». 23.00 Бадий фильм.

«ОРБИТА IV»

[Москва]

6.00 «Тонг». 8.35 Мультфильм. 8.45 XVI қишки олимпиада ўйинлари. 10.05 Бадий фильм. 11.20 «...16 ёшгача ва ундан катталар». 12.00 Янгиликлар. 12.20 «Саёҳатчилар клуби». 13.20 Телефильм премьераси. 14.00 «Адиген» ансамбли ижро этади. 14.25 «Ён дафтар». 14.30 «Бридж». 14.45 «Бизнес-класс».

15.00 Янгиликлар. 15.20 Мультфильм. 15.30 Сизни Лариса Рубальская таклиф этади.

18.00 Янгиликлар. 18.20 XVI қишки олимпиада ўйинлари. 18.45 «Инсон ва қонун». 19.20 Телевизион бадий фильм премьераси. 6-серия. 19.50 «Мўъжизалар майдони». 20.45 Хайрли тун, кичкинтойлар! 21.00 Янгиликлар. 21.20 XVI қишки олимпиада ўйинлари. 23.00 «Эльдорадо», «Шоу-биржа», «Хит-конвейер».

XVI қишки олимпиада ўйинлари

00.30 Трамплиндан сакраш. 120 м. 01.20 Конькида югуриш спорти. 1000 м. (Хотин-қизлар).

«ДУБЛЬ IV»

[Москва]

8.00 Хабарлар. 8.20 Олимпиада кундалиги. 8.50 Ишбилармон кишилар даври. 9.50 Инглиз тили. 10.20 Инглиз тили. 11.00 «Телеассамблея».

13.30 «Простор плюс». 14.00 Қишки олимпиада ўйинлари. 16.00 «Россия маданиятига ким ёрдам беради?». 16.15 Россиянинг парламент хабарномаси. 16.30 Россия Федерацияси Олий Кенгашининг сессиясида. 17.00 Компьютер билан мулоқот. 17.30 Телевизион ахборот тижорат кўрсатуви. 17.45 «Россиячасига хусусийлаштириш».

18.00 Хабарлар. 18.25 «Остоженколик мусаввир». 18.55 «Версия». 19.10 Ишдан бўш пайтингизда. 19.25 Қишки олимпиада ўйинлари. 22.00 Хабарлар. 22.25 Олимпиада кундалиги. 23.00 Бадий телефильм премьераси. 24-серия. 23.50 «Биларни билиб қўй» киновикторинаси. «Коронка» кўрсатуви. Бадий фильм.

ЁШ ҚОНУНШУНОСЛАР ТЎГАРАГИ

Анджон вилоятининг кўп-кўп ўқув масканларида «Инсон ва қонун» тўғараклари ташкил қилинган. Унинг асосий мақсади эса маълум — ёшлар орасида ҳуқуқ-тартибот ишларини яхшилаш. Ҳўжабод туманидаги Усмон Юсупов номидаги 48-ўрта мактабда ҳам ушбу тўғарак ўқувчиларнинг сеvimли машғулотига айланган. Унинг Шодмонбек Мирзакаримов, Зокиржон Исмоилов каби солиқ аъзолари ҳозирда ҳуқуқшунослик олий билимгоҳида тахсил олишяпти. Тўғаракдан илк сабоқни олган кўпчилик ёшлар эса айни кунларда ички ишлар идораларининг турли соҳаларида хизмат қилишмоқда.

Тўғарак машғулотларини жонли суҳбат тарзида йўлга қўйиш илм олишнинг энг яхши йўлидир. Шунинг учун ҳам малакали ҳуқуқшунослар, қонунчилик посбонлар тез-тез таклиф қилиб турилади. Туман ички ишлар бўлими бошлиғи милиция подполковниги Абдумуталиб Эргашев, прокурор Пўлатжон Шерматов, терговчи Авазбек Раҳимов, БЕИН инспектори Санжарбек Ҳолмирзаевлар ҳуқуқ-тартибот ишларига оид, қонунчиликни мустақамлаш йўллари тўғрисида суҳбатлар ўтказишмоқда.

Бу ишларни ташкил этиш ва мазмуни ўтказишда тўғарак раҳбари, мактабнинг тарих-ҳуқуқшунослик фани ўқитувчиси Каримжон Ҳакимовнинг ҳиссаси катта. Азизжон БУЗРУКОВ, Ҳўжабод тумани.



Шифобахш ўсимликлардан тайёрланган шарбатни ичишга нима етсин! У кишини тетик, бардам тутати, ҳар хил дардлардан фориг этади.

Ички ишлар вазирлиги биносига яқинда фитобар ишга тушди.

СУРАТДА: фитобар ходимаси Машкура Муҳаммадаминова хизмат кўрсатиш пайтида.

Ҳабибулла ШОДИЕВ олган сурат.

САВДО

Ботир Раззоқов ўғрилиги учун «ўтириб» қайтгач, икки ой тинч юрди. Тўғрироғи, яна икки кун чидаса, озодликка чиққанига 60 кун бў-

ларди. Чидолмади... Тўрткўл колхоз бозорида молнинг арқонидан ушлаб, талабгор кутаётганида туман ИИБ ходимлари унинг ўзига «харидор» бўлишди. Савдо жаллобларсиз ўтди.

НАШАВАНД

шахсий муҳри ва темир сандиқ калити йўқолган. Жиноятчи шу кунни болалар табиҳонасига ҳам ташриф буюрди... ва қўлга тушди.

Саъдулла БОБО.

ЭЪЛОН

Тошкент шаҳар Чилонзор туманидаги 55-ўрта ҳунартехника билим юртини 1985 йилда тугаллаганлиги тўғрисида Ҳайдар Эркинович Ниязметовга берилган №638537 диплом йўқолганлиги сабабли БЕКОР ҚИЛИНАДИ.

Муҳаррир
Ўринбосари
Ғайратжон
БОЛТАБОВЕВ.

МАНЗИЛГОҲИМИЗ: 700029, Тошкент, Лопатин кўчаси, 1.

Ўзбекистон Жумҳурияти «Шарқ» нашриёт-матбаачилик концерни
босмахонаси. 700083, Тошкент, Ленинград кўчаси, 32.

Телефонлар: муҳаррир—54-37-91, муҳаррир ўринбосари — 39-77-23,
муҳбирлар бўлими — 59-26-56, 59-20-92, умумий бўлим — 59-21-21.

Обуна рақами — 64615. 43920 нусхада чоп этилди.